

曾文正公詩集

曾文正公詩集卷三

丙午至戊申

丙午正月二日作

蹉跎三十五聞道其既晚去日良已富來程亮復遠自從伊閩
亡大道閉元樞有瞽不識珠賣珠事驕蹇微數陳豆籩小知辨
蜺蜺迂腐譏淵騫空疏訕商偃前者激波瀾後者恣鬪狠大江
日滔滔眾人死婉婉誰能抱孤芳寂寥守舊晚通經不達時失
身下豬圈嗟予局咫聞亦不工喑噤非仁不敢祖非義豈嘗本
所學誠流俗攀躋但分刳不挂高明眼譏評有少損民各有依
倚吾甯變愚惘文字局緘滕經綸在房栊浩蕩冠蓋場一心自
嘉遜聊用陳區區夢魂庶謐穩

題簞谷圖

大雅卽高詠耽隱青山岑手折簞簞枝鏗爲琅玕音松風石壁
高簞霧林霏深幽幽人不知獨鶴明孤心

陳慶覃詩鈔題辭三首

魏王大瓠號豐碩酌水盛漿百不適丈夫身手豈不良沈沒詩
篇真可惜嗶嗶道古無一符畫脂工夫竟何益我昔鏤肝好苦
言今來百憂頗冰釋誓將輟軫收哀彈不唱君家行路難

近聞西蜀甚陸梁驅人大邑如驅羊羣揭竿旌過都市廣開林
藪收畔亡新市下江頗竊發左谿橫水還披猖州家上名使家
縱昔我經過心繁傷太平風塵亦如此胡不上書達天子

虞舜藏弓蒼梧野我家正度南嶽下
眼看鄉井多譽髦凌周郭
李皆健者何郎蒼老孫郎少君合眾
銅付一冶楚人自古工語
言湘流到今悼屈賈樸夫例縛文字
禪劍頭一吷真粲然

杏農郭筠仙李梅生何子
貞孫芝房皆同鄉人也

憩紅詩課戲題一詩於後

鉛山不作桐城逝海內騷壇委寒灰
龍蟄虎潛斷吟嘯坐令蚯
蚓鳴驚雷憩紅先生頗好事欲拓詩國疆
土恢號召英豪執牛
耳大蒐燕冀選龍媒走章馳檄遍都市
紛紛吟札如雲來較量
錙銖判殿最豈有魚目還珠胎傾身愛才
劇如命酬字金帛布
成堆達官貴人不好士先生此舉真豪哉
嗟余楚狂百無用長

安十載餐黃埃作碑無錢枉自苦乞米有帖長空回臣朔飢死
侏儒飽古來顛倒何足哀偶然塗抹爲新句畫眉深淺乖時裁
鬢髻飄零有誰惜錐刀角逐吁可咍豚蹄果遂籌車祝一笑取
醉三百杯

送王孝鳳之雲南卽題其尊人松菊圖

累世無咎繇冤民塞九縣數畧危眾魚吞舟不加譴王叟邦之
良溫恭少側弁獄吏一牽連秋毫忤雷電田甲時見陵馬遷莫
相援盆底無昊天荷戈出摩甸萬里蒲蠻道征人淚如霰廿載
餐糗糜衣無故時線回首望家山柴桑信所戀老松儻無恙叢
菊向誰綯有子鏗華鐘蜚聲震金殿武庫羅其胸干將思一剗

誓上緹縈書不乘長卿傳一麾首滇南征心已如箭預想王坦之初覲懷祖面抱持至膝上悲喜集一見萬事如浮雲滄海日千變獨有骨肉離重逢真可羨明歲唱刀環懽聲若雷忭歸食武昌魚比鄰張高宴鳳詔喧里閭純孝迴天眷不學朱壽昌徒登獨行傳

題錢崙仙難燭修書圖

腐叟音塵湮千載無完史斷代自班生鉅規破大體茂先賞三志編摩或索米舊書畱釁瑕但爲吳生詆數賢不足珍除外況靡靡聖代盛文章羣英躡前軌殷鑒曩成編唐經今繼美磊磊南董倫影纓足幡纚錢子邦之良弱冠掎金紫涇渭原胸中

袞鉄極筆底朝踏東華路柴車等敗屣夜歸南窗下椽燭照大
几一字褻幽潛片言殛姦宄曲直在豪端誰能矜爪觜我亦載
筆臣大弔久復弛三載糜官錢甌塵亦莫洗披圖聊粲然作詩
一酒恥

題孫君采芝圖二首

孫君名葆恬字劭吾善化人嘉慶己卯舉人道光六年以大挑選桃源縣

學教諭芝房侍講之父也

眾羽工飛鸞先生獨摧挫十載桃花源寒羶屢告破古木發深
彈從來拒俗和采蕨晞殷頑餐英補楚些自擷三秀芝窮年振
寒餓豈謂人事乖悠悠卽長臥掇草求長生無靈欲誰那長是
拜畫圖千秋聆咳唾

少室吾黨英儲能寶完好韶齒殊不廉閒偷仙人棗航海探琪
花蹠蹠踏三島根本良已深眾芳信在抱言采幽蘭歸種作階
前草上有竹修修下有清風掃竹節寒逾堅貞心永難老風暖
扇餘馨繁香滿穹昊

書朱皋亭家傳後

韓公會作董生行坡老亦詠姚氏堂末世文人苦孱陋雖有行
誼無由彰徽州太守萬夫特承明一出腰銀黃政聲今鄰趙張
右名翰昔在崔蔡行憶昨石渠同討論稱引先德何琅琅考亭
絕學半庭訓佩韋奕葉仍作堂孝經五齡誦在口內則半編時
相將一朝老親蒙霧露醫不能力巫難禳妙年誠心破金石午

夜刳臂和羹湯探丸何曾讓耆域臥冰殆欲嗤王祥誰言昊穹
闊且遠小叩大應如宮商阿耶道躬旣純固阿兒行義宜褒揚
漢家本來重孝友薄俗尤應式厯涼豈謂虛舟藏大壑空教幽
獄埋寒鉉獨留孤兒好頭角神駒墮地不可當逸足騰踏蓬島
路八載與我同趨蹌昨年一應出歛浦南飢北渴永相望白塔
觚棱晨漠漠黃山煙靄暮蒼蒼懷人卻寄相思字念祖仍徵述
德章前人艱危事栽種後人但識嘉蔭長卽今梗枻貢天府莫
忘老幹在冰霜

訓陳慶覃侍御

赤水沈元珠千年遲象罔君子迴深眷翻然辱旌獎馬走那解

詩鉤章事鹵莽秋蟬挂高柳風過自成響豈意師曠聰偏聽發
謬賞維君堅高壘無人敢掉鞅筆端一縷香百靈通肝鬢方今
隆棟寫伊巫擁天仗巢燧無闕遺無處著崛彊以茲得雍容閒
吟寄慨慷有書亦盈牀有沽亦盈盎六字自冥冥湫塵莫予網
請君拊甕石予亦擊堯壤

送周文泉大令之官城武

周侯爲政知者鮮地小裒長自不展早歲讀書如老饒堆案徧
嘗盡百巒詞源一瀉不得休往往巉巖雜婉孌頻年大海泣遺
珠卅載湖南綰銅篆本因名父求蕭威始見分符來張緬深藏
干邪匿銛鉞盡壞屏障通關鍵間官那暇自料理時逢順風亦

遷轉由來赤令須老成早有仁聲先流行東窮二酉緣砭崖南
入九疑踏秋蘚馬援舊愁惡氛惡文翁新化善俗善忍教蠻犵
歎無孺坐看獐獐來解辦蘆笙銅鼓喧歌苗婦熨童通綵纒
我亦自是湘中人有賢不知嗟何淺長安一見兩無猜詎比尋
常徒睇眄大開戶牖吐真氣倒決江河放清辯拘守咫尺聞苦自
繩我固儒酸君未免方今要路爭騰馳幾輩兼程獵華顯高車
大馬塵埃香翠羽長纓腰腳輒看君敝襦猶絢繒長是敗茵策
驚蹇行橐賸有書滿箱公廚會恐塵生甌此去清風入濮曹定
知甘雨灑青兗誰云廉吏不可爲須信夷途百無舛陽城豈畏
書殿考卓茂終當膺首選邇聞海國還喧咋此邦幸未近兵燹

可憐疲民困科條有如聚蠹遭蹂踐豈無積弊含瘡痍聊欲爬梳愈疥癬枯魚在轍誰能久惡草當門要須翦知君不薄芻蕘陳世俗但解筍蒲餞明朝一別各東西愁緒多於甕大醖

小池

屋後一枯池夜雨生波瀾勿言一勺水會有蛟龍蟠物理無定姿須臾變眾寡男兒未蓋棺進取誰能料

東鄰杜氏義塾

稍得塵埃隙來茲一散襟喧車闕四聽時鳥送餘音亦有邊韶嬾誰能季主尋邨童休問字剖璞方自今

茲晨

言集卷三
茲晨曷不樂端念良自尤自吾有爪觜半啄匪躬謀俯視見后
土仰視見光浮關門赫婢僕雄長如諸侯專精事羹飯餘政及
乾餼兵後物力紂平世生齒稠人人似我飽實重黃屋憂吾
皇惕昧爽彼相爭前籌聖者自危厲愚者自優游大哉六合內
人類難等儔

失題

西山一夜雨秋氣入庭除清晨展書坐翛然樂有餘天宇一何
廓蕩蕩真吾廬煢煢夸毗子守隘無曠居眾鱗爭坳潦鬣鬣安
得舒豈知逃閒寂放蕩得尾閭吾樂正如此君樂復何如

題泛海圖

昔我櫂瓜州金焦望巖巖靈山咫尺間不得窮巉巖還家述遊
蹤高堂一笑莞江湖險可吁泛海況不難撫摩慰驚魂輒腳呼
盤盞由來慈母心險夷最所揀孝廉本儒衣文章富編刻胡爲
涉遐思浮海窮覬轡有母足慈悲奉佛信慈悲共道洛伽巖實
惟仙藥產神人渡迷津福汝能簡簡虔禱或有憑孝思本無限
圖此塞寸誠靈心聊結撰何知妄與真雲濤紛滿眼

送凌十一歸長沙五首

昨日微雨送殘秋落葉東西隨水流世閒萬事皆前定行止遲
速匪自由謀道謀食兩無補祇有足迹徧九州一杯勸君且歡
喜丈夫由來輕萬里

皇天陶鈎造萬器寶盜餅疊巧安置頗怪君材無不能胸中多
藏如列肆刀光刺眼瞬不搖小事癡騃大事智吁嗟世事安可
知干將補履不如錐

螺贏負青蟲祝祝亦相似眼見平地蠹高臺縮版登登無基址
王侯將相豈有種時來不得商進止君歸讀書更十年看君白
日上青天

恨我不學山中人少小從耕拾束薪朝去暮還對妻子殺雞爲
黍會四鄰世事癡聾百不識笑置詩書如埃塵君歸自有青塘
山築室種樹莫言艱

如我自鏡猶可憎非君誰復肯相偶寂寞陋巷長叩門三日一

見開笑口常時徒步噉塵土偶然驅車馬如狗君此歸去慰門
閭我今畱滯當何如

送謝果堂前輩歸江南

我昔曾讀知恥集恨不追逐參翔翺當時小人竊國柄狐鳴梟
噪何貪饕霍家奴子青油幟夜半狹巷公嬉遨一朝燒車震都
市驄馬御史真人豪至今朝士誦遺直言之凜凜寒生毛先生
早聞過庭訓豈有勁幹能枉撓謝薌泉先生名振定爲御史時
會燒和珅家奴車旋以他事中
傷落職嘉慶四年起復爲禮部主事
今上嘗呼果堂爲燒車御史之子廿年作吏領畿赤王事何
曾怨賢勞爲憐疲民困蹂躪親撫積瘵勤爬搔豫州豐碑吾所
見德政猶傳萬口牢復聞巴夔魑結惡十載邊陲苦繹騷先生

手草諭蜀檄剖巢熏穴鼪鼯號殺賊自是書生事成功屢蒙

聖人褒

果堂討平四川夷匪賞戴花翎

陳立餘威懾驩冉文翁雅化烝鬻髦

方今時俗忌博謔傲傲萬眾舖醯糟卻笑先生抱古調有隨里
耳同喧嘈誰言夷途百無舛未免奇數時一遭大江東下日滔
滔濁水沈珠不可撈使君一去萬人哭牽衣遮道何嗷嗷蛾眉
謠詠古所惜坐使斧柯終倒操竭來長安談舊事磨礪圭角深
自韜削如太華立千仞絕頂秋隼下平皋始知老輩尙誇節堪
哂薄俗徒塵囂嗟余昏頑大無識隨人俯仰如桔槔頻蒙美言
藥狂督須臾便達育與膏昨者告別驚何遽歸心已似風中旄
逝將買山學耕釣行且築室誅蓬蒿世事癡聾不復問典衣取

曹
酒樂陶陶天空地闊網羅少黃鵠一舉何其高紛紛燕雀非吾

失題四首

抽得閒身鶴不如高秋酒熟鞠黃初便驅天駟識途馬歸釣江
鄉縮項魚往日心情隨轂轉今來身世似舟虛不須更說知幾
早且喜塵緣盡剗除

蜚雨蠻煙日日催側身周望重低徊海濱膏血深無極帳下笙
歌自莫哀安得賈生時痛哭可憐楊僕本庸才投章欲問茫茫
意何處通天尚有臺

金堤舊漬高家堰復道今年盛昔年自古塵沙同浩劫斯民塗

炭豈前緣沈江欲禱王尊壁擊楫誰揮祖逖鞭大慶正須梁棟
柱先生何事賦歸田

兩度歸帆沂上流蕭蕭落木洞庭秋送君此去風前酒憶我當
時月夜舟宏景舊居句曲洞杜陵新卜浣谿頭好栽修竹一千
畝便抵人間萬戶侯

秋懷詩五首

木葉下如雨西風吹我衣天地氣一肅回頭萬事非虛舟無抵
忤恩怨召殺機年年絆物累俯仰鄰詬譏終然學黃鵠浩蕩滄
溟飛

蟋蟀吟西軒商聲方茲始小人快一鳴得時亦如此大澤藏蟄

龍巖冬臥不起明歲澤九州功成返湫底吾道惡多言喧囂空復爾

吾愛邵夫子

謂仁和邵懿辰

古之三益者鑿鑿攻我瑕不隨世人啞薄

俗尊文章吾亦事苟且赫赫揚子雲末途裂於瓦再拜謝獲人斤斧行可捨

城頭昨宵月今夕虧其圓丈夫矜小節一缺誰復全蝸廬抱奇景高視羲皇前蒼蠅腕尺璧江漢難洗蠲馬融頌西第今爲時所憐

吾友劉孟容遺我兩好書三年不報荅幽怨今何如深山閤大寶光氣塞州閭樊英履壇席名業箕斗虛補天儻無術不如且

言身卷三
荷鋤

訓辭曉風

大谷悶幽蘭由來習霜雪摧挫彌歲年歲蕤滅昔悅本性誠未
移芬芳詎可滅時物一爲遭適爲吳人擷曾合亦有宜廢興固
難說旁有荷樵子殷勤事攀擷出山嗅懷輿餘馨亦未輟臭味
良有然非渠獨明哲

風騷難可熄推激惟建安參軍信能事聲裂才亦殫寂寞杜陵
老苦爲憂患干上承柔澹思下啟碧海瀾茫茫望前哲自立良
獨難君今抱古調傾情爲我彈虛名播九野內美常不完相期
蓄令德各護凌風翰

題王少鶴嬰砧課讀圖

破屋荒園陰雨候桐樹清陰向人覆
兢兢危巢鳥哺鷇風窗瑟縮鐙如豆
砧聲清切姊心悲書聲函胡姊淚垂
天平汝此不自力豈惟乃姊摧肝臆
二親魂魄長鳴咽躍馬天街得路回
龍鍾老疾姊顏開一笑迎門雪雙涕
此日當時互悲喜當時荒園姊攜弟
此日安艫弟迎姊鳳詔輝輝賁下泉
柳江春色煥雲煙長途珍重難爲別
願且無忘在莒年

送王少鶴

待爾雙雙至春回又一年
開尊皆舊友發篋半新篇
荔子紅時雨芭且綠外
天江鄉好風景話向酒杯前

丙午初冬寓居報國寺賦詩五首

閉門百慮叢憂煎出門葛蔓相糾纏苦被塵埃縛欲死脫身來
此親僧羶老松大槐遮四徑日月爲我生光妍道人龍鍾五十
七黝深碧眼珍珠圓烹茶煮餅時勤我亦有山菓堆初筵橐駝
對座不相管兩家各有無言禪皋夔稷契非吾事休囚饑飽付
皇天

去年肺熱苦吟呻今年耳聾百不聞吾生卅六未全老蒲柳已
與西風鄰念我識字殊珍少淺思詎足燔精神忽憶軒頡初考
文羣鬼唬夜天裂晨斯高揚馬竝姦怪召陵祭酒尤絕倫段生
晚出吾最許勢與二徐爭嶙峋惜哉數子琢肝腎鑿破醕古趨

齷齪書史不是養生物雕鏤例少牢強身我今日飲婆娑尙不
樂嗟爾皓首魚蟲人

長安十月飛繁霜西風落葉戛金商道場隙地一千畝頽垣破
礎淒荒荒壞塔陂陀野狐噪華楹漫漶飢鼠忙憶昔憲皇興作
日飛樓湧殿何巍昂外家恩澤敵田寶祖師勢要凌侯王三百
年來變陵谷龍象孱弱鼯鼯狂毗盧閣子今安在向時鐵鳳蟠
穹蒼銅駝荆棘古所歎今我何爲獨旁皇鼻涕垂頤不須管況
問人世滄與桑

俗儒閣閣蛙亂鳴亭林老子初金聲昌平山水委灰燼可憐孤
臣淚縱橫東西南北轍迹遍斷柯缺斧終無成獨有文書巨眼

在北斗麗天萬古明聲音上溯三皇始地志欲掩四子名丈夫
立言要須爾擊瓿拊缶烏足鳴嗟余孱退昏庸百不力付與四
海劉傳瑩

劉郎三十甘蒿萊荷蓀簪書真豪哉郭生辭我還鄉國東遊章
貢噉紅埃跌宕江山要詩句傾倒懷抱須尊罍此閒頗似酺池
寺但少晁張躋然來朝飢夕渴不可解安得銀潢倒落注金杯
送舒伯魯

神駒秉清峻墮地凌無前男兒志萬里亦在華妙年舒生吾楚
儁結髮疲丹鉛內外承嘉蔭託根魁斗躔迎婦范陽府結客彌
幽燕遂來廬京輦滿月彎鳴弦謂言抬高第如掇牀頭錢人事

有奇偶虎鼠非吾權文章不斌媚例爲時世捐芝蘭合鋤刈朝
菌香徹天可憐壯夫志摧撼終不遷時時造我闥屏慮商詩篇
高吟動厚地幽思縋重淵維桑古有敬況此接才賢昨來忽告
別歸意何翩翩寢門疏定省肯爲世網牽一鳴不稱意脫去如
鷹鷂趙孟等閒事難者參與騫馬走蝨此閒歲月逐風顛謀歸
百不更送女聊自鐫

劉安詩

新甯江君忠源予之執友也數爲予稱其邑孝子劉安
者道光丁未安年齒六十江君求予以詩揚其行爲老
人光悅且以風里人夫甄采畸德作獨行傳之長編史

氏之任也嘉善而懲不能勸一而勵百亦士大夫有風俗之責者事也故爲之詩歌遠貽劉安安名某字某實縣學生

金峯萬山輳劉安巢山椒邦人所賓禮與山兩岩巖天窮苦無告孤露初及髻傾家樹四壁馬膺風蕭蕭朝餐或恥盜夕飲恆賭瓢子衿式學省童冠各在招束脩斂薄少歲穫償褻穠上堂奉甘滑入室馨脂膏一噎三咻摩一食再溫劭蒸梨或忤志捐斥無寬條嬰兒抱酷愛畢世非一朝白日不東返孝養隨瞥飄所餘枯與倦傍身而瓊瑤觸時卽子卯有質如春潮仰供不知飭俯畜安能饒舉家浩鶩雁妻餒兒號宵維安不鹵莽長短與

量料紉箴教補裂呼粥權息器鄉鄰敬其誼百里無飛鵠長官
式其賢唾息不敢驕噫乎血氣倫報本義所要人紀有乖沸茲
實懸之杓惠迪經所訓物理亮非遙感歎遂成詠庶以風鄙澆
送莫友芝

豪英不地囿十九興偏邦斬崖撥叢棘往往逢蘭莊黔南莫夫
子志事無匹雙萬書薄其腹廿載幽窮鄉今年偶作劇射策來
都堂青鞵側破帽日繹書賈坊邂逅一相見揖我謂我臧劉郎
吾庸敬好事迷短長炙酒頰君頰亦用沾我腸微瀾時激引稍
稍觀濤江可憐好手眼不達時溫涼果然被捐斥鋤刈不成芳
誰能尼歸駕飄若驚鴻翔我時走其廬深語非淺商次及蓼莪

痛老淚何浪浪嗟余亦心性內刺能不降賓然拜牀下十分肅
老龐關山有乖隔人事不可詳萬里共日月肝膽各光芒作詩
勸歲莫亦以勤劉郎

劉郎謂某雲

題彭旭詩集後卽送其南歸二首

日日送歸客情抱難爲佳老彭復去我內撫焉所偕往予初遇
子睇眄無等儕鷹眼迴高秋勢不甘塵埃自言困鄉國橫被口
語猜絳侯畏牘背田甲欺死灰脫身來洛下稍攝驚魄回風波
一震薄萬事何有哉雄篇忽枉我峻句何崔嵬險拔肝膽露憂
患才地開終然達紫氣幽獄難可埋男兒要身在百忤甯足摧
臨歧不知報努力乾深杯

大雅淪正音箚韞寶繁響杜韓去千年搖落吾安放涪窳差可
人風騷通肝嚮造意追無垠琢辭辨倔彊伸文揉作縮直氣摧
爲枉自僕宗涪公時流頗忻嚮女復揚其波拓茲疆宇廣大道
闢榛蕪中路生罔兩孱夫阻半途老大迷歸往要當志千里未
宜局尋丈古人已茫茫來者非吾黨竝世求人難勉旃各慨慷

丁未六月七日老試漢教習試院作二首

潭潭深院鏤局牢闕日溼雲作鬱陶薄茗何曾解消渴纖絺便
欲等重袍高堂燕息尙如此矮屋蜂屯毋已勞得失升沈紛滿
眼世閒人事等牛毛

虞廷胄子肄聲律漢室小侯齒辟雍銀漢支流原博大璧門追

琢要從容師儒落落渺千載鉞并時時還一逢明日鄧林斤斧
入可能澗底拔長松

丁未六月廿一爲歐陽公生日集邵二寓齋分韻得是字
讌飲非吾欣十招九不起豈不耽羣歡未諳諾與唯今日飲邵
侯婆娑辦一喜多因坐上賓可人非俗子梅姿詎名世姿蕭然
紅塵裏蟬蛻三十年萬事如脫屣獨畱文章性貞好無遷徙頗
獎歐陽公時時挂身齒後者開曾王前追韓與史自姿持此論
斯文有正軌二三邦國英風流相依倚持斤向老鼻郢門欲成
市邵侯宏其波崢嶸見爪觜時作好事人排蕩詩酒理長安三
月雨炎威方一弛洗醖招近局眾賓稍填委尙想老醉翁茲辰

寶攬揆展圖拜光儀焚香追無始餒鰈初在嘗良琴復動耳跌宕宇宙間嚶嚶亦未已鄙人實昏頑百非邁一是麋鹿生野性謬來絆金紫紛華一蕩滴精光半銷毀常恐道未聞隕身同螻蟻苦緬六一公終古長不死名位匪絕人所貴不關彼作詩謝邵侯梅姿竝送似

酬李生三首

一別李生今四載我有情懷浩如海白日西下江水東嗟余與女不相逢念女春秋正壯大勳名邂逅能鼎鐘三年五年伏不出鏡中便恐改昔容丈夫自謀要深遠求田莫問陳元龍深山窮谷霜鍰老何人拂拭青芙蓉

曳尾不羨宗祏龜孤豚不慕太廟犧我今等閒爲世用自憐骯
髒百不宜海國波濤一萬里天吳罔象相娛嬉 聖主宵衣事
展轉小臣孱薄何能爲胸中不辨管與樂囊中嘗少羨與耆朝
歛夕噫不自得俛首長誦鵲梁詩

孫生粲粲如刻苕玉立偕女雙瓊瑤同作二喬好夫壻盛年咳
唾干雲霄蜀山遑我蜀江闊終有畸士光斗杓文章不是救時
物揚雄司馬烏足驕男兒萬事須嘗膽詎肯僥倖呼盧梟女曹
報 國好身手看我蹉跎已老醜

次韻戴醇士邵蕙西見過

去年城南臥古剎高秋萬葉聲鳴戛病中強哦七字詩欲調苦

腸變甘滑樞府先生辱相和神鬼雕鐫何桀黠除險語歸溫
柔痛與鄙人砭茁軋我時鄉夢正南飛欲促歸裝理脂華奇章
偉句不能報自慙久暗蝨與蜚豈期歲序遽周遭西風蕭蕭又
愁殺東烏西兔老鞭笞鏡裏催人雙鬢鬪二賢忽來曠我懷高
論邱索窮九八但得尊前賭歡笑遑冀身後誰識察紛紛人海
縛簪纓汨汨天刑被髡別何時卻隨兩間鷗摩空一盤萬里鵠

題平谷山莊圖

十年京國蹋朝鼓九陌黃塵塞肝腑已分喧囂儕市估忽夢歸
去釣湘煙洞庭八月水如天沙鷗與我抵足眠醒來依舊馬嘶
櫪車聲隆隆震牆壁始知樊籠困羽翼開圖對此好谿山萬重

言集卷三
雲水一僧閒清輝照我塵裏顏何日飄然輟芒屨往尋盤山松下路買鄰來傍羊求住

武會試闈中作

禁闈蓮漏已宵深涼月鏡人冑一臨此地頻來從案牘吾生何日得山林貔貅霧隱三更肅河漢天高萬籟沈火冷鐙青無箇事可憐閒殺愛才心

題梅伯言扁舟歸養圖二首

冶風融日作好春吾子嘉遯逢茲晨長安高蓋擁衢衢住者牛毛去者麟平明趨衙莫退舍日日人前伺喜嗔誰識扁舟五湖外尙有朝士梅子真

漣水之頭資江尾十年同違桑與梓君去芒屨踏萬山谷鳥崖
花各歡喜白頭老母迎門笑傾身一拜兒歸矣我今濡尼不知
還獲鶴息壤猶在彼

書嚴太守大關賑糶詩後

去年河北哀鴻罄千里剝地境無毛蠶牲瘞圭百不應妻兒鬻
食夫遁逃吾皇慘惻軫飢溺銀潢下灌傾恩膏詔發內
儲一百萬拯置枉席蘇號咷頗聞洪波有滲漏蠹賊難防胥役
饕令我苦思循良吏部勒仁政明秋毫麗江太守今召父噢咻
赤子歸甄陶政成蠻犵罷歌舞跌宕滇海窮詩騷揭來金門謁
帝座一編示我何桀黠賑糶兩章尤警絕風格欲與次山爭

言集卷三
旌施大夫出疆得專擅汲黯發粟史所褒叔世議賑非細事走
章馳檄相訾警州家申求使家阻民冊吏牘如山高君能奮身
拯水火一破積習萬口牢畫脂不是壯夫業詩外有事真賢豪
安得九州徧公等撫摩萬眾離煎熬作歌聊用勸來哲下考莫
晒陽城勞

送黎樾喬侍御南歸六首

時歲善適適煩悵無少舒秋色滿大地良朋還去予十年聚京
輦竝頭相啣濡深言洞金石密意安綦紉傾歡酌家釀鐙火照
狂愚不能久依倚脫棄如驚屍民生各時令進止非人固物自
持其末吾自敦其初高秋天萬里浩蕩一春鉏

平生秉微抱志與詩騷親孤音裂肝膈劃然震乾坤持用告庸
子舉世褻不聞先生有妙鼻容吾揮一斤賞妍越恆理逐臭詫
奇芬高歌切哀玉吹我上青雲多譽墮盛德雖然豈不仁文章
事微薄在物未爲珍秋豪較得失老死相斷斷從今漑根本破
硯吾欲焚

萬歲行滔滔後水逐前水今古數達官河沙不可紀生存勢薰
天死去飽螻螳達人計深長誓不欲穠穠嗟余本野性邂逅絆
金紫尺寸無功能高明畏神鬼雷同溷太倉或恐損廉恥倦羽
企歸風余亦行休矣筐筍鋪松秧從君萬山裏

逆夷昔爛漫兵甲禦南東殺人飼蛟鱷大海爲之紅君時卽我

謀雪涕向蒼穹夜半草萬言朝奏甘泉宮道謀復旁午羣策雜
昭聾 聖擇有姑舍神斷自 天聰自獻雖不效義憤倖賈終
事往一回首人各發舊蒙所貴中無疚焉計達與窮

洞庭天下闊清傑橫六字中有兩佳人乃是淵騫伍湖北字某
雲南曰孟容甫厥氏同劉宗神明本漢祖實惟吾友生交期澈
肺腑乖隔漫關河夢魂奔越越苦朝憶便成昏夜思或達午此士
臥深山靜氣卻豺虎君去儻尋求夙鯁還一吐物外得真遊方
寸能歌舞

驄馬鑿蹏行如飛幡然下馬賦歸去諫草上付九重天扁舟遙
指三湘路先生素志在湖海復欲蒼生歸陶鑄十年風緝虎觀

書六載霜冷烏臺樹滄海鯨鯢浪正高洪河蛟蜃秋尤怒杜老
窮年憂黎元賈生伏闕陳時務虞廷自有龍夔在朝士誰結巢
由慕長安風寒秋氣高離筵酒暖日色暮共因去國惜歐九私
喜見幾繼疏傳昭山樹古霜逾瘦洞庭水深寒可渡定將蹤迹
溷漁樵猶有耕桑酬雨露他年拂衣我歸來爲訪先生嘉遯處

題季仙九師采蘭蓺菊圖

靈儀耀德輝昌期偶一造翹羽時倦飛丹穴仍高蹈吾師生民
傑瑩粹邁珪璋文章養其原木雞極啄菹詩老昔采風溟海烝
英髦 聖皇豁四聰愷樸信所勞文軫馳西南武庫職旌纛夷
然鎮廟堂羣士息浮躁秋月照琴心忽理思歸操東籬菊正肥

南陔蘭可芼翩然謝棊簪巾車已復膏小子秉孱薄門牆備灑
埽追隨漫十年未洗緇塵眊稻粱逼旅懷詩禮荒庭誥賦詩鐫
此心搖搖如植翮

題張石舟煙雨歸耕圖

靖陽老翁飢不死四十年來敝書史一朝悔悟思改弦萬卷書
拋如脫蹤高車大馬謝羣兒草服黃冠吾歸矣朋知聚處頗相
怪問翁生涯欲何以東阡南陌一毛無四海九州將安底翁言
少小晞夔皋曾對老蒼矜爪觜幾年束縛蠶在匡數輩啣濡魚
乞水中散自憐七不堪於菟但聞三見已閱世蠻觸多戰爭策
身臧穀無完美逝將巖壑躬耕桑不受邱軻老鞭箠軀體諒非

百年物夢魂候在千山裏
煙雨濛濛插新秧短渠漣漣長
鯁鮪泥飲邨農與酣嬉招呼
黃犢同臥起翁言未終我已
躍此身不歸神先徒行趨神
武挂衣冠往尋谷口買鄰里
誰能皓首黃塵中項短尻高
不知恥

曾文正公詩集卷三終

曾文正公詩集卷四

己酉至辛未

送孫芝房使貴州二首

妙年作賦動明光又策星輶赴夜郎文采邊陲瞻泰斗儀容寸
步中宮商沅湘過訪三閭廟宛葉行經百戰場定有新詩傳萬
口歸來吾與解奚囊

六年陳迹吾能記病骨秋風入劍關曾洗人天清淨眼飽看巴
蜀怪奇山君今巖壑搜羣玉自有光芒照百蠻不似老夫徒碌
碌崑岡一網手空還

書邊叟石詩集後二首

鐫章琢句尋常事激烈心情絕可憐今日詞臣須頗牧古來豪

士出幽燕楊家忠義存三疏孫相威名在九邊莫藉文章追往哲要憑肝膽報皇天

苦憶荊州王仲宣投簪浩蕩臥江天三年促膝從予坐四海低頭道子賢北李南何各壇坫楓青塞黑與纏綿因君更逐停雲想望斷襄陽落照邊

太學石鼓歌

韓公不鳴老坡謝世間神物靈寒灰我來北雍撫石鼓坐臥其下三褻徊周宣秉旄奠八柱岐陽大狩鞭風雷四山置罍帀天布羣后冠帶如雲來東征北伐盪羶穢方召暉暉何雄哉銘功鐫石告無極欲鎮后土康八垓自從七國戰龍虎荒荒王迹淪

蒿萊羸顛劉蹶六代沸把酒但勸長星杯陳倉流落一千載霜
鬢日剝空黃埃國子先生老好事欲比郛鼎珍瓊瑰東都相公
守右輔始昇泮沼剡蒼苔五季蜩蟪頗星散司馬刺史初重恢
是時十鼓嗟失一拋棄不辨何山隈博搜民間得異曰秦關復
贖連城回宣和天子嚮儒雅太清書畫千雲堆詔移此石歸汴
水園橋觀聽何轟虺行填字鉤發光怪照耀良岳金碧開豈知
六龍卒北狩法物曾不襪凶災高車大牛輦萬貨填坑咽谷驚
三木是鼓蒼黃亦北徙重器始此蟠燕臺道園詩翁主太學興
舉百廢扶傾頽中門兩棖與位置華楹大棟增崔嵬承以磚壇
護以檻清陰四囂連疏槐邇來春秋閱五百光氣夜夜騰斗魁

聖清文明邁巢燧搜挾書契窮根莖從臣技能半史籀別作
新鼓相追陪小儒昏鈍無所識得從械櫜備條枚細思物理窮
顯晦茫茫人事不可推作歌聊繼二公後不羞鴛蹇隨龍媒

題朱伯韓侍御之尊人詩卷手蹟

異時河內初陸梁誰其禦者朱與強強公身死翦妖黨殊恩
稠疊旌國殤朱公墨守一黑子遮蔽懷衛如苞桑時適歲邁三
十載事過頗憶張睢陽吾皇繼序錄勳伐詔祀名宦褒忠良
流芬遠韻不可竄遺墨始此瞻暉光詩律欲傳杜宗武風徽略
近元漫郎公家衮師吾所友向人繾綣好肝腸往時嬌養比
玉今日柯條還老蒼諫章九門懾虎豹文事四海知班揚阿

行能亦超超輕收科第如掇筐永慰老翁山下魄九原一笑能
軒昂近聞汴州赤大地千里滌滌無罌糧析骸易子都窮盡公
之舊部亦流亡河北枯骨相枕藉關西寇盜仍披猖安得如結
且千輩散布都邑蘇癢傷摩挲此卷三太息聊表先正諒方將

題朱伯韓詩集後十首

以才難不其然有亦
未易識二語爲韻

雞鳴足朝莫陰曠終不開高歌戰寒夜四壁轉風雷有客投明
月驚顧非凡胎古人亦已矣吾猶及此才

稂莠驕復驕桃李園無言堂堂魏長史畫籌壁上觀丈夫有深
意出手無俗彈恆沙閱人面相識良獨難

明珠伏濁浪能媚不能流碩人力如虎折節師溫柔肝腸自骯

髣面目自伊優再拜問君子此可言詩不

金陵昔歆血裂皆激癰疲事過付東風沓沓如故時豈非吾輩
恥痛鉅不可思三更荷戈起四問夜何其

東家老鼻祖詔我三百篇造詞如日月萬古趨新鮮竊人者無
恥自得斯爲賢鄙夫目論爾君謂然不然

吾子如春陽照臨列枯朽我亦無所知我亦無所有頗好感事
詩善歌敵矇眊歲晚脣又乾君須濡我酒

吾國有狂生白眼善揮斥

謂益陽湯鵬

稱子賢無朋許子曰頗亦中

途生波瀾生死長乖隔青山一抔土永埋壯士魄

桂林天下秀生才雅且毅有美王與龍虎視令人畏

謂馬平王錫振臨桂

龍啟瑞

誰道儒誤身等閒拾富貴平津老封侯君今齒尚未

甚矣吾其衰百思今廢置平生所好賢支離背時利明鏡承食
漿干將不一試天高帝閭嚴薦達談何易

舉世禮邱軻貌尊非心卽草元二千年今無一人識思之復思
之粒粟開八極君試騰汗漫我當借羽翼

送梅伯言歸金陵三首

金門混迹髮蒼蒼從此荻蒲歲月長人世正酣爭奪夢老翁已
泊水雲鄉自繙素業衡輕重久覺紅塵可憫傷祇恐詩名天下
滿九州無處匿韓康

徵君絕學冠寰瀛又見文孫樹立宏六葉弓裘傳柏枧百年耆

舊數宣城緬懷 仁廟虛前席盡訪鴻儒佐太平豈獨當時能

感激至今臣子涕縱橫

伯言宣城人著有柏槻山房詩文集

文筆昌黎百世師桐城諸老實宗之方姚以後無孤詣嘉道之閒又一奇碧海鼉呿鯨掣候青山花放水流時兩般妙境知音寡它日曹谿付與誰

送黃恕皆使秦中

輦轂蜂房聚萬人局閉牢脫身得出走塵鞅方一逃黃君吾黨彥闇默謝羣囂持節下關隴太華秋氣高西北收功實自古產英髦 聖朝枋儒術土室始深韜三徵臥不起四字爛 天褒張呂去云久餘緒猶可縑丹穴鳳所都累葉無凡毛猗蘭豈不

馥所貴采擷勞三洗人天眼往觀大海濤
搢盡波底蚌明月終在遭先民有遺紹
邂逅入甄陶歸來謝天子亦用誇吾曹爲
已辨檠輔與世置夔皋

北堂侍膳圖爲姚吏部題二首

脫葉辭喬柯迴旋依舊晚行役有乖違
梓桑終繾綣姚君處舜裔純行亞珪琬
伯瑜陳采服下堂自婉婉一從通朝籍
鄉關日已遠浮雲有東西遊子不得返

樹蘭服眾芳誰能忘根本爰圖聖善容
慰此深愛悃嘉魚初在烹新筍欲盈橐
不惜求取勞但虞珍膳損魏闕身事羈
南陔歸夢穩移孝出忠勳邂逅還補袞

題陳氏五世鄉賢遺像

純皇撫九有至文耀天樞 詔舉明經士四皓來于于介休薦
梁交江南顧與吳陳公實稱首人中見騶虞綦冠長太學魯國
始一儒洪河無近脈崑山玉所都三朝襲令緒四世表其閭繁
維聖舜冑家聲自古初義門翕愔穆太邱世簪裾門風不復墜
繼踵踐天衢金簫澤易斬君子席詩書瞻言禮遺像杖几如可
趨聊表先民軌一爲薄俗模

韓齋爲孔舍人題

西京大雅淪斯文日凋敗天不喪周孔使人續警欬韓子興中
原聖言始有賴孤竅吐雄奇金聲塞兩戒時於蕙蘭室中出蛟

龍怪迴首視齊梁有作頗衰憊一從茲塗闢來者方雲會豪彥
仍響臻歐曾得兩大聖清炳昌運方姚實孤邁魯安有雲孫
耆古百無懈齋祓奉烝嘗但下昌黎拜大書榜其室夙莫見著
蔡誰云千載遙神理與鍼芥湜翺漫親炙相夷等自鄮

桐陰消夏圖爲史吏部題

炎曦灼大地蠕蚊同烹煎有生奔末利擾擾不遑安史君靜者
流置身巢燧閒綠天展珍簾桐葉生虛寒煮茶激清吹拂箔迴
微瀾客來戒不報塵事莫相干頗亦哀老子佳眠未渠闌

題苗先麓寒鐙訂韻圖

大雅久淪歇正音委榛蕪永明肇四聲稍變周漢模開皇集八

士身曠相飾揄夜半畫綱紀韻學茲權輿承襲一千載灌莽成
康衢韓公頗好古枉啜六經腴放者騁遊騎斂者如轅駒進退
失所恃不得返皇初有宋盛文藻才老信狂夫陳生興晚明秉
燭照幽墟勝廣驅除畢沛下風雲趨聖清造元音崑山一鴻
儒中天懸日月堂堂燭五書上追召陵宴千載若合符斯文有
正軌來者何于于江戴揚其波段孔入其郭苗髯最晚出匯爲
眾說都精思屈鬼膝高論揖唐虞驚熊蛟入夢薪火耀天樞神
光不可熄長夜一鐙孤風雪交四壁焚膏校殘書人謂髯何億
髯謂吾自娛自我與髯友大海禮閒鷗時洗箏笛耳一聽秦青
謳物外有真知肝鬲助歌歆愛髯不忍別作詩寫區區

養閒草堂圖爲潘博士題

浩浩市聲沸塵霧如驚濤中有澹定人萬事渺秋毫家世東山
舊諸謝各清高末行濯德輝九天一羽毛豈謂迴風勁修路滯
將翺乾坤豈不大一笑解天弢四時足休息靜極思作勞時攜
桑輿友物外得佳遨脫帽談虞夏生理寄濁醪歸來對虛室風
日淡相遭老鶴傍人睡羣雞正喧嘈

陶太常小像

江波少還態耆宿日凋零豈知永嘉末吾猶及老成乾嘉昔云
盛錢王蔚典型傳經孟喜剡問字子雲亭各奉本師說森然啟
門庭先生時少壯槃敦接芳馨曾從大匠鼻揮斧動神靈跌宕

五十載數輩倚聲名踏破九州莎依舊還 天廷後生仍好事
快覩先民程飄然好須鬢圖此歲星精柏寢話疇昔緒論吾嘗
聆瞻言詠斯篇一寄思古情

題簷簞谷圖

我家湘上高嵒山茅屋修竹一萬竿春雨晨鋤斲玉版秋風夜
館鳴琅玕自來京華暱車馬滿腔俗惡不可刪洞庭天地一大
物一從北渡遂不還苦憶故鄉好林壑夢想此君無由攀嗟君
與我同里社誤脫野服充朝班一別簷簞謝猿鶴十年臺省翔
鵬鸞魚須文笏豈不好卻思鄉井長三歎錢塘畫師天所縱手
割湘雲落此閒風枝雨葉戰寒碧明窗大几生虛瀾簿書塵埃

不稱意得此亦足鑄疏頑還君此畫與君約一月更借十回看

答李生

我年廿四登鄉貢始與劉蓉相追陪延津雙劍忽會合深夜挂
壁鳴風雷勳名自謂凌管樂文采何曾怯鄒枚豈知羲和鞭日
月頭上光陰火急催老劉偃蹇不稱意酸寒一衿初受裁我雖
置身霄漢上器小僅儕儻與羣立朝本非汲黯節媚世又無張
禹才似驢非驢馬非馬自憎形影良可咍中天廣殿鑱雲開飛
螢結構要羣材倦眼相徧天下士焉知吾國有顏回李生年少
風骨峻驍騰汗血龍所胎平地一朝能九仞欲與老劉爭崔嵬
萬里辭家來從我如金受冶玉受鎚斲輪祇有一心喻獻璞翻

爲兩足災世上升沈日千變得失於我何有哉朝來告別問何
往迎婦塞外祠高禰長安自是別離海新婚便作錦繡堆離情
吉語雙恂悅新詩妙句千瓊瑰我有一言生聽取冰蘖乃爲福
之媒富貴綺羅遭鬼瞰憂患可以堅筋骸陳平終非貧賤客王
章莫忘辛苦懷邊關十月雪黏天勸生爲我盡一杯

送唐鏡海先生九首

六年高臥大江隈萬里蒲輪驛吏催京國諸儒齊額手溫公新
自洛陽來

金殿從容道古今高言字字印天心鐘聲送出東華路已報
槐階轉午陰

摹天繪日本難工

聖德何由測六龍白髮老臣私贊歎文如

聖祖武高宗

漳衛滔滔走帝都堯封何事闕溝渠廿年深究齊民術一卷新
呈水利書

上相南征策眾材軍容十萬轉風雷書生卻進安民策盜弄潢
池事可哀

泰岱高雲不可攀曾興霖雨在人間如今老去神功斂祇就君
王乞放還

道德神仙各有謀行藏雖一事難侔功名不數种司諫出處羞
稱李鄴侯

熙朝正學要匡扶眾說紛紛各啟塗歸語江南諸父老太平天子好真儒

粉榆後進謬升堂習習春風杖履旁此後追陪何日是鏡中吾亦鬢毛蒼

謝疊山賣卜研爲劉太守題

青花一片瑩寒泉中有毅魄勞蒼天大宋河山滄桑改孤臣心事金石堅當年賣卜建陽市麻衣血洗流成淵吞炭不復容三擊下簾何曾索一錢稠父宋父弔鸛鵒東川西川泣杜鵑豈知歷劫冰霜後尙畱人世文字緣辰陽太守亦可憐老抱石兄喜欲顛三年膜拜憫忠寺萬里攜將書畫船書生癡絕例如此稱

先道古口流涎不如堯桀兩忘去日摩頑石支頭眠

訓李芋仙二首

巴東三峽猿嘯處太白醉魂今尙存遂有遠孫通胖蠻時吟大
句動乾坤愛從吾黨魚忘水厭逐人間蝨處禪卻笑文章成底
用千篇不值一盤飧

勁翮摩空故絕倫吹噓曾未出風塵細思科第定何物卻是饑
寒解困人大道但期三洗髓長途終遇九方歎高秋一放脫羈
去看汝飛騰亦有神

會合一首贈劉孟容郭伯琛

咸豐五年秋
月南康舟次

東風吹片雲嘉客來千里喘如竹筒吹腐公蹙然喜朋僚雜迎

笑吾亦倒吾屣各自極其魂告曰某在此傾衿語晨夜爛漫不知止上言離別長歲月弦脫矢下言兵事殷成敗眞夢耳江漢天下雄三年宅蛇豕王師有蹴踏戈船照清泚掀浪煮黿鼉洪濤染爲紫長驅下蘄黃鐵鎖沈江底羣龍水中生怒螳車下死英英塔與羅威名驚南紀倚嘯瀟廬閒天戈欲東指人事有變遷由來不可擬鬼火夜灼天壤雲壓高壘龍驤付一炬韓壁僅可抵偕行竟無衣存足乃無履夜半飢腸鳴大聲震江水腐公不知羞恬然矜爪觜謂言多難時從來福所倚在莒義不忘圖南風漸起稍稍召驚魂時哉可歸矣世論自悠悠冰膚生瘡痂困窮念本根風雨思君子艱難復相逢得非天所祉回首廿年

前志亢聲亦侈憂患閤千變返聽觀無始老夫苦多須須多老
可鄙二子苦無髭無髭亦可恥自乏諧俗韻不關年與齒貞松
無春競歲晏行可俟作詩誌會合亦用佹窳些

題楊忠愍公二疏手草

古孰無死曾不可班輕者鴻毛重者泰山楊公正氣充塞兩閒
遺文妙墨深播人寰馬市一疏聲振薄海更擊賊臣五奸十罪
心追逢比身甘渑醢取義須與歸仁千載翩翩諫草猶存手稟
古柏擎空似枯彌好鬱此英風輔以文藻長有白虹燭茲瓊寶
次韻何廉昉太守感懷述事十六首

域中哀怨廣場開屈宋而還第二回幻想更無天可問牢愁甯

有地能埋秦瓜鉤帶何人種社櫟支離幾日培大冶最憎金踊躍那容世界有奇材

慘澹兵戎春復秋濁醪誰信遣千憂戰場故鬼招新鬼世事前
湮散後湮馳逐幾同秦失鹿劬勞祇愧魯無鳩何時浩蕩輕鷗
去一舸鴟夷得少休

二月長安春始歸觚棱回首夢魂飛宮鴉掠日槐陰瘦廢馬嘶
風柳絮肥東閣 賜茶雙鳳闕西郊扈 蹕九龍旗十年苦憶
釣天奏老大真憐未拂衣

滄海橫流澤有鴻微生獨出一當熊千艘梭織怒濤上萬幕笳
吹明月中屠罷長鯨波尙赤戰歸驕馬汗猶紅誰知春晚周郎

老更與東皇乞好風

鍾山祠廟歸然存憑弔湖湘烈士魂馬革裹屍男子志鸞刀祭
瘞聖明恩弓旌夜動神依戶簫鼓春祈福滿門萬世游人應
指點血殷篙眼古時痕

潯陽江水接天長良將新祠皎雪霜半壁東南支柱石數州士
女薦馨香竟無耆壽追充國猶有嘉名配武鄉匹馬寸金都謝
絕三明何必數西涼

山縣寒儒守一經出山姓字各芳馨要令天下銷兵氣爭說湘
中聚德星舊雨三年精化碧孤鐙五夜眼常青書生自有平成
量地脈何曾獨效靈

猿鶴沙蟲道竝消誰分糞壤與芳椒昨來皖水三河變堪痛阿
房一炬焦句踐池邊醪易醉田橫墓上酒難澆同袍才俊彫零
盡苟活人間只自嘲

鵠原橫竇第三人鵠唳華亭不復春先軫歸元何日是虞翻相
骨本來貧科名久滯青雲路身手難扶赤日輪十二萬年香不
滅從渠擣麝作灰塵

江雪湖波路幾千壺頭歸葬事堪憐鑄金叩叩終何益埋玉深
深不計年夜月一鉤涼蕙帳春風十萬散榆錢神靈甲馬如相
助莫遣愁人歎逝川

濫觴初引一泓泉流出蛟龍萬丈淵從古精誠能破石薰天事

業不貪錢腐儒封拜稱詩伯上策屯耕在硯田巨海茫茫終得岸誰言精衛恨難填

幕府山頭對碧天英英羣彥滿樽前共扶元氣迴陽九各放光明照大千短李迂辛雜嘲謔箕張牛奮總安便獨憐何遜今漂泊望斷寒雲暮靄邊

薇閣藤廳淡淡紅多君翔步五雲中良緣彩鳳雙飛翼慧業靈犀一點通典郡四旬書上考闔門八口祀昭忠災祥誰識天公意休向西風泣路窮

由來忠孝易通神忉利華鬢識後身石爛海枯終有盡生天成佛豈無人關河庾信空蕭瑟形影陶潛孰主賓雞犬全家存帝

所淮南生計未全貧

荒城風雪臥袁安高節鴻才萬目看
懶讀司空城旦法曾希柱
後惠文冠出山馴雉網羅密失水
神龍變化難猶有老梅嬌萼
發先從三界解春寒

聖主中興邁盛周聯翩方召并公侯
神威欲挾雷霆下大業常
同江漢流藻火但聞山甫袞桐廬
豈有子陵裘鵝鷺臺閣方新
構杞梓梗枿一例收

題易公筠亭遺像

昔歲在丑詰人西遊我作挽辭比許文
休馬磨旣甘不競不綵
亦有月旦胸剖九流東崖奉親朝戲綵
舞幕歸讀書羣言藻斧

鄉閭屢試黜無完桐文章憎命淚灑秋風不於其躬迺祚其子
濯濯芳蘭芥拾青紫弓冶不墮載述先芬瞻言遺像永播清塵

王母方太夫人

凡響無異材爨餘得佳桐眾卉競春華歲寒彰貞松坤德无咎
譽非儀兩不蒙煢然遘閔凶高義古所崇中材利行之綽楔畱
芳蹤卓哉賢母德激烈乃過中別嫌謹錙銖年高茲益恭至性
無矯揉情摯超凡庸無所爲而爲乃與神明通有孫立朝端
蹇蹇蓋匪躬乃知玉泉流璇源已冲融白嶽黃山閒靈氣鬱蔥
蔥明靈永不泯奕世揚休風

壬戌四月沅弟克復巢縣和州含山等城賦詩四首

言身名四
濡須塢裏漲春波三月鶯啼氣正和一騎雲飛新報捷漢家收
復舊山河

碧血家家百草腥荒郊五夜泣坤靈將軍一掃陵陽道便有遊
人說踏青

半壁山前鐵鎖橫當年諸將各聲名卽今錐鑿西梁下益信
先皇萬里明

師淑韓公二十霜敢將裴令竝論量諸君自有浯溪筆看取穹
碑日月光

沉圃弟四十一初度

九載艱難下百城漫天箕口復縱橫今朝一酌黃花酒始與阿

連慶更生

陸雲入洛正華年訪道尋師志頗堅
慚愧庭階春意薄無風吹汝上青天

幾年橐筆逐辛酸科第人寸寸難
一劍須臾龍變化誰能終古老泥蟠

廬陵城下總雄師主將赤心萬馬知
佳節中秋平劇寇書生初試大功時

沅甫初在吉安統兵二萬八年八月十五日克復府城

楚尾吳頭閭戰塵江干無土著生民
多君龕定同安郡上感三光下百神

十一年八月初一日克復安慶欽天監奏是日四星聯珠日月合璧

濡須已過歷陽來無數金湯一翦開
提挈湖湘良子弟隨風直

薄雨花臺

邂逅三才發殺機
王尋百萬合重圍
昆陽一捷天人悅
誰識中軍血染衣

平吳捷奏入甘泉
正賦周宣六月篇
生縛名王歸夜半
秦淮月畔有非煙

河山策命冠時髦
魯衛同封異數叨
刮骨箭瘢天鑒否
可憐叔子獨賢勞

左列鐘銘右謗書
人間隨處有乘除
低頭一拜屠羊說
萬事浮雲過太虛

已壽斯民復壽身
拂衣歸釣五湖春
丹誠磨鍊堪千劫
不藉良

金更鑄人

黃河餘潤沾三族白下飢民活萬家千里親疏齊頌禱使君眉
壽總無涯

童穉溫溫無險巇酒人浩浩少猜疑與君同講長生訣且學嬰
兒中酒時

甲子八月二十日沅甫弟四十一生日爲小詩十三首壽之
往在壬戌四月沅弟克復巢縣和州含山等城余賦詩四首
一時同人以爲聲調有似鏡歌而和之此詩略仿其體以徵
和者且使兒曹歌以侑觴國藩識

題唐本說文木部應莫邵亭孝廉

插架森森多於筍世上何曾見唐本莫君一卷殊環奇傳寫云
自元和時問君此卷有何珍流傳顯晦經幾人君言是物少微
識殘賤黯黮不能神豪家但知貴錦裘陋巷誰復憐綦巾黜縣
令君持贈我始吐光怪干星辰許書劣存二百字古鏡一埽千
年塵篆文已與流俗殊解說尤令耳目新乾嘉老儒耽蒼雅東
南巖段竝絕倫就中一字百搜討詰難蠡起何斷斷暗與此本
相符契古轍正合今時輪乃知二徐尙鹵莽詒誤幾輩空因循
我聞此言神一快有如枯柳指馬疥我昔趨朝陪庶尹頗究六
書醫頑蠹四海干戈驅迫忙十年髀肉消磨盡卻思南閣老祭
酒舊學於我復何有安得普天息櫓槍歸去閉戶注凡將

贈吳南屏

春霖颯沓天如篴大麥菸邑小麥摧愁顏彌月何曾破故人飛
櫂從天來與君握別纔幾日已見新火十鑽槐當時洞庭醵別
酒乾坤戰伐正喧阗沅湘義軍參差起十事欲成九事乖英豪
半藏蜀國血大地徧種秦時灰卽今南紀風塵靖亂後遺黎多
眚災荒村有骨飼狐貉沃土無人闢蒿萊筋力登危生理窄斗
粟誰肯易嬰孩三里誅求五里稅關市或逢虎與豺謬領大藩
二千里瘡痍不救胡爲哉羨君高臥君山頂吞吐湖月無愁猜
世味飽諳肱三折長吟極望天四隕招邀軒轅論古樂湔祓屈
氏餞餘哀談經頗折巨儒角手攜皜日照昏霾翩然一葉忽東

下相見各憐雙鬢皤甯知滄桑閱百變復此對持掌中杯蒼天
可補河可塞祇有好懷不易開努力且謀千日醉高談巢燧訖
有邵

讀吳南屏送毛西垣之卽墨長歌卽題其集

書霖按此詩係公壬子歲

作久佚由梓湖詩彙中錄出附載於此

十載鄉園獨爾思眼明今日見新詩嘗憂大雅終將絕豈意吾
儕覩此奇木落千山初瘦削風迴大海乍平夷此中真意憑君
會持似旁人那得知

人間骭髀一毛生與子交期如弟兄忽出國門騎瘦馬去看東
海掣長鯨放歌一弔田橫島醺酒還臨樂毅城併入先生詩句

裏干戈離別古今情

游金山觀東坡玉帶詩

去歲歸颿拂金山咫尺浮圖不可攀今年又剪瓜洲渡扶攜妙
友陟屨顏簿領叢中困桎梏脫身一試腰腳頑微風蹙江眾皴
靜一抹橫吞東海寬眈眈樓觀今安在無情瘦石空巘岼六
飛昔臨浮玉頂御榻霄漢千龍盤兵火十年變陵谷道場百
畝荒榛菅頽垣不見螭纏棟荆扉無復獸齧環古佛負牆滲秋
雨雛僧無食號夜寒獨餘蘇公舊法服腰玉片片畱人閒紱佩
流傳七百祀天章褒寵同錫盤舊玉帶有殘缺純廟敕內
府琢玉補之題詩五章
我懷峨嵋老尊宿翔翔人海如鳳鸞揚子江頭數來往幾回慙

樂幾悲酸北去烏臺判死別南遷嶺表絕生還

東坡往來江上屢過金山惟自

湖州攝入烏臺獄及暮年南遷惠州兩次經過金山尤極艱苦

磨蝎作災魍魎壯荆棘塞天行

路難差喜名山藏故物長倚江月照忠肝巴陵詩叟抱奇逸齊盟早歆風騷壇斂板厭東淵明帶談經時敲子夏冠昨來省我鍾山麓今此東遊興未闌扁舟更欲探甌越誓窮人力發天慳嗟余本志耽邱壑羈束塵鞅無由刪江山自佳日自富堪笑紛紛苦不閑

贈李眉生

倦翮復南翔重眺鍾阜煙舊遊多環萃羣卉正芳鮮謂可擴吾襟孤懷乃悄然非材竊祿位俯仰慚高天術業一無成浩浩送

流年竊惜常廢事識聞或蔽賢多病無安食多悔少佳眠無德
居高明眾鬼瞰瑕罣無學臻衰耄但爲時所鑄誰言所遇順撫
衷百慮煎勤子來存訪至論探九淵鬱塞乃過我神困難爲妍
人世多乖迂圓一缺常千義娥驅童引舉世惜華顛天命誠足
畏愁思且當捐

青松生危巖獨立向清昶風韻戛韶咸交柯蟠龍象逸氣干層
霄瀟灑謝塵埃廟廊構瓊材羣工共嗟賞虹梁皎朱義天門信
蕩蕩豈知咫尺間歧路多迴枉挽來不能寸推去或千丈託根
倚峻巖植基固不廣孤高招烈風薄俗甯足仗蒼穹富雨露百
昌日夜長大鈞一轉旋悱惻神所獎聊究莊生旨齊物尋影響

行止皆有待還以咨罔兩

題俞蔭甫羣經平議諸子平議後

聖祖曠千禩微言久歇絕六籍出燔餘諸老抱殘缺尙賴故訓
存歷世循舊轍從宋洎有明軌涂稍歧別 皇朝褻四術眾賢

互標揭顧闕啟前旌江戴紹休烈迭興段與錢王氏尤奇傑大

儒起淮海父子相研悅謂高郵王懷祖先生念孫及其子文簡公引之子史及羣經立

訓堅於鐵審音明假借王氏精於古音謂字義多從音出經籍多假借字皆古音本同也課虛

釋癥結王氏每於句調相同者取彼釋此謂之句例又戒不得增字以釋經皆係從虛處領會旁證通百

泉清辭皎初雪王氏立訓必有確據每譏昔人望文生訓或一字而引數十證其反覆證明乃通者必曲暢其

說使人易曉九原如有知前聖應心折俞君一何偉奎步追曩哲盡

發高郵奧擔囊破其鏞君昔趨承明鳳鸞與頽頽輶車騁嵩洛
康衢誤一跌子雲宦不達草元更折節文囿芟天葩經神俱清
醲厖言頗觝排諸子亦梳挾復從羣賢後森然立縣絕嗟余老
無成撫衷恆惓惓閤才不薦達高位徒久竊茲編落吾手吟覽
安可輟

訓王壬秋徐州見贈之作

戒徒事秋蒐理權及淮甸塵埃正紛拏邂逅接英彥乖離七易
霜天遣更相見後車攜嘉客同馳彭城傳輕颺潁素襟名論迴
深眷白云尋絕學涂軌約三變僑居蒸水陽親知斷游讌閉戶
自高歌寒宵百慮戰羣聖下窺瞰憂喜相慶唁盡挾諸經心始

知老儒賤探篋出新編照座光如電說易燭大幽箋書祛眾眩
旁及註生旨抵巇發英眇大雅久不作小知各自衒漢宋互嘲
譏餘炎更相煽遲君紹微言豪芒辨素絢高揭姬孔情洪曦消
積霰湖湘增景光老懷亦忻忭

附
伎求詩一首

善莫大於恕德莫凶於妬妬者妾婦行瑣瑣奚比數已拙忌人
能已塞忌人遇已若無事功忌人得成務已若無黨援忌人得
多助勢位苟相敵畏偪又相惡已無好聞望忌人文名著已無
賢子孫忌人後嗣裕爭名日夜奔爭利東西驚但期一身榮不
惜他人污聞災或欣幸聞禍或悅豫問渠何以然不自知其故

爾室神來格高明鬼所顧天道常好還嫉人還自誤幽明叢詬
忌乖氣相迴互重者裁汝躬輕亦減汝祚我今告後生悚然大
覺悟終身讓人道曾不失寸步終身祝人善曾不損尺布消除
嫉妒心普天零甘露家家獲吉祥我亦無恐怖

右不攸

知足天地寬貪得宇宙隘豈無過人姿多欲爲患害在約每思
豐居困常求泰富求千乘車貴求萬釘帶未得求速償既得求
勿壞芬馨比椒蘭磐固方泰岱求榮不知饜志亢神愈怵歲燠
有時寒日明有時晦時來多善緣運去生災怪諸福不可期百
殃紛來會片言動招尤舉足便有礙戚戚抱殷憂精爽日凋瘵
矯首望八荒乾坤一何大安榮無遽欣患難無遽憊君看十人

中八九無倚賴人窮多過我我窮猶可耐而況處夷塗奚事生
嗟憤於世少所求俯仰有餘快俟命堪終古曾不願乎外右不

曾文正公詩集卷四終